



Elorrioko udala

IRAGARKIA

Elorrioko Udalaren dirulaguntza deialdia onartzea, Elorrioko lehen sektorean 2024ko ekimen berriak bultzatzeko (2024-01322 espedientea)

2024ko uztailaren 26ko 406 zk.ko alkatetza-dekretuaren bidez, Elorrioko lehen sektorean 2024ko ekimen berriak bultzatzeko dirulaguntzaren deialdia eta oinarri espezifikoak onartzea erabaki da. Beraz, dagozkion oinarri espezifikoak osorik argitaratzen dira.

Deialdi hau 2008ko abenduaren 18ko ohiko osoko bilkuran onartutako dirulaguntzen oinarri arautzaileen arabera egin da (2009ko martxoaren 9ko Bizkaiko Aldizkari Ofizialean argitaratu ziren). Bi aldaketa izan zituen: lehena, Osoko Bilkurak 2010eko otsailaren 11n onartua (maiatzaren 10eko BAOn argitaratua), eta bigarrena, Osoko Bilkurak 2011ko abenduaren 28an onartua (2012ko otsailaren 10eko BAOn argitaratua).

Elorrio, 2024ko uztailaren 26a

Julene Lazkano Zenitagoia
Alkatea



ELORRIOKO LEHEN SEKTOREAN 2024KO EKIMEN BERRIAK BULTZATZEKO DEIALDIA ETA DIRULAGUNTZEN OINARRIAK. (2024-01322 espediente)

Elorrioko Udalak 2008ko abenduaren 18an egindako osoko bilkuran onartu zituen dirulaguntzen oinarri arautzaileak, 2009ko martxoaren 9ko Bizkaiko Aldizkari Ofizialean argitaratutakoak. Zuzenketa batzuk onartu ondoren, osorik argitaratu ziren 2010eko maiatzaren 10eko Bizkaiko Aldizkari Ofizialean, 86. zenbakian.

1.- Helburua

Deialdi honen helburua da, 2024KO EKITALDIRAKO ELORRIOKO LEHEN SEKTOREKO EKIMEN BERRIAK SUSTATZEKO lehia bidezko dirulaguntzen oinarriak arautzea. Elorrioko Udalaren Auzoak Arloari dagokio dirulaguntza hauek kudeatzea.

2.- Aurrekontua

Oinarri espezifiko horietan araututako dirulaguntzaren gehieneko zenbatekoa urtero zehaztuko da aurrekontuan ezarritako aurrekontu-partidetan eta -izendapenetan.

Erabilgarri dagoen aurrekontu-kreditua 9.000,00 €-koa da, eta 2024.4140.481.34 aurrekontu-partidari dagokio gastua (Lehen sektorea sustatzeko dirulaguntza).

Hala badagokio, partida horiek dirulaguntzen emakidari aplikatu dakiokeen zenbateko gehigarri batekin hornitu ahal izango dira, baina horretarako ez da beste deialdirik egin behar.

3.- Onuradunak

Dirulaguntza honen onuradun izan daitezke autonomoak eta/edo profesionalak, bai eta beren jardueran Elorrioren garatzen duten eta egoitza Elorrioren duten lehen sektoreko enpresa eta elkarteak ere.

Onuradun horiek ezin izango dira egon Dirulaguntzei buruzko 38/2003 Lege Orokorren 13. artikuluan eta Dirulaguntzei buruzko Udal Ordenantza Orokorren 10. artikuluan jasotako egoera eragozleetan.

Era berean, martxoaren 16ko 1/2023 Legegintzako Dekretuak, Emakumeen eta Gizonen Berdintasunerako eta Emakumeen aurkako Indarkeria Matxistatik Gabeko Bizitzarako Legearen testuategia onartzen duenak, 2.4 artikuluan xedatzen du laguntzen edo dirulaguntzen onuradun diren erakunde pribatuak 3. artikulua (printzipio orokorrak), 17. artikulua (estatistikak eta azterlanak) eta 19.4 artikulua (hizkera inklusiboa eta ez-sexista) bete behar dituztela, udalaren eta onuradunaren arteko harremanari dagokion denboran eta gaian.

Onuradun izateko debekua:

- Ezin izango dute eskaerarik aurkeztu, ezta onuradun izan ere, Dirulaguntzei buruzko 38/2003 Lege Orokorrean (bereziki 13. eta 14. artikuluetan) eta Dirulaguntzei buruzko Udal Ordenantza Orokorrean jasotako egoera eragozleren batean daudenean.
- Ezin izango dira onuradun izan administrazio-, lan- edo zigor-bidean berdintasunerako eskubidea urratzeagatik eta sexuagatiko bereizkeria egiteagatik zehapen irmoa jaso duten pertsonak edo erakundeak.
- Emakumeen eta Gizonen Berdintasunerako eta Emakumeen aurkako Indarkeria Matxistatik Gabeko Bizitzarako Legearen testuategia onartzen duen martxoaren 16ko 1/2023 Legegintzako Dekretuan eta Emakumeen eta Gizonen Berdintasun Eragingarriko martxoaren 22ko 3/2007 Lege Organikoan ezarritako betebeharrak betetzen ez dituzten pertsonak edo erakundeak.
- Zigor- edo administrazio-arloan dirulaguntza edo laguntza publikoak lortzeko aukera galtzearekin zigortuta egotea, edo horretarako ezgaitzen duen legezko debekuren baten eraginpean egotea, Emakumeen eta Gizonen Berdintasunerako eta Emakumeen aurkako Indarkeria Matxistatik Gabeko Bizitzarako Legearen testuategia onartzen duen martxoaren 16ko 1/2023 Legegintzako Dekretuaren eta Emakumeen eta Gizonen Berdintasun Eragingarriko martxoaren 22ko 3/2007 Lege Organikoaren arabera, sexuagatiko diskriminazioa barne.
- Onarpen-prozesuan edo funtzionamenduan sexuagatik diskriminatzen duten elkarte eta erakundeak.



4.- Eskabideak

Modua

Administrazio Publikoen Administrazio Prozedura Erkidearen 39/2015 Legearen 14. artikuluan ezarritakoaren arabera, pertsona juridikoek Elorriko Udalaren plataforma elektronikoaren bidez aurkeztu beharko dituzte eskabideak (www.elorrio.eus).

Pertsona fisikoek une oro aukeratu ahal izango dute eskabideak bitarteko elektronikoaren bidez aurkeztu dituzten ala ez. Dokumentazioa paper bidez aurkeztea aukeratzen badute, Elorriko Udaleko Herritarrentzako Arreta Zerbitzuan (Elorriko Erregistro Orokorra) aurkeztu ahal izango dute, Herriko Plazan, 08:00etatik 14:00etara, legeak aurreikusitako beste edozein modutan aurkez dezaketen arren.

Plazo para presentar la solicitud

Eskabideak aurkezteko epea 2024ko urriaren 31n amaituko da, iragarkia Bizkaiko Aldizkari Ofizialean argitaratu eta hurrengo egunetik hasita.

Ezarritako epeak nahitaez bete behar dira, eta ez da salbuespenik egingo.

Aurkeztu beharreko dokumentazioa

Nolanahi ere, dirulaguntza hau eskuratu ahal izateko, honako dokumentazio hau aurkeztu beharko da:

a. Eskabide-orria, behar bezala beteta (I. eranskina). Gutxienez, honako hauek jasoko ditu:

Dirulaguntzaren xede den proiektuaren memoria, honako hauek zehaztuta:

- Deskribapena (helburuak, baliabideak, epeak...)
- Aurrekontu xehatua.

b. Hala badagokio, ordezkaritza egiaztatzea zuzenbidean baliozko den edozein bide erabiliz (notario-ahalorea, apud acta ordezkaritza...).

c. Zinpeko aitortpena, behar bezala beteta (II. eranskina).

d. Hirugarrenen alta-fitxa behar bezala beteta (III. eranskina)

Eskabidea aurkezteak berekin dakar oinarri eta deialdi hauen edukia baldintzarik gabe onartzea, bai eta eskatzaileak Elorriko Udalari behar diren egiaztapenak egiteko baimena ematea ere.

Nolanahi ere, Udalak, aipatutako dokumentazioaz gain, informazio gehigarria eskatu ahal izango die eskatzaileei.

Eskatzaileak aurkeztutako dokumentazioa osatugabea bada edo oinarri hauetan aurreikusitako baldintzak betetzen ez baditu, eskatzaileari 10 egun balioduneko epea emango zaio horiek zuzentzeko edo beharrezko dokumentuak aurkezteko. Bestela, eskaeran atzera egin duela ulertuko dela adieraziko zaio, eta artxibatu egingo da, indarrean dagoen araudian ezarritakoaren arabera.

5.- Diruz lagunduko diren gastuak

Aurkeztutako proiektuak garatzeko beharrezkoak diren baliabide materialei (tresneria zein lehengaia) eta igeltserotzako, iturgintzako eta abarretako lanak kontratatzeari dagozkien gastuak onartuko dira, bai eta animaliak ugalketarako eta espezieak hobetzeko soilik erosteari dagozkionak ere. Gastua 2024ko urterokoa izan beharko da.

6.-Prozedura, instrukzioa eta ebazpena

Prozedura norgehiagokakoa izango da.

Hauek dira balorazio-irizpideak:

a) Proiektuaren originaltasuna (berritzailea), gehienez 20 puntu.

b) Proiektuaren potentzialtasuna (gauzatzeko aukera, sor ditzakeen lanpostuak, negozio-bolumena...), gehienez 60 puntu.



c) Gizartean duen eragina (euskararen normalizazioa, emakumeen eta gizonen arteko berdintasuna, ingurumenean...) gehienez 20 puntu.

Dirulaguntzaren onuradun izateko, gutxienez 50 puntu lortu behar dira.

Eskaerak aurkezteko epea amaitutakoan, udaleko zerbitzu teknikoek aurkeztutako eskabideak aztertuko dituzte, eta hasierako balorazioa egingo dute. Balorazio hori Hirigintza, Ingurumen eta Auzo Batzordeak aztertuko du, eta batzordeak, aurkeztutako txostena eta balorazioa ikusita, dagokion irizpena emango du, eta Gobernu Batzordeari helaraziko dio, hark ebatz dezan.

Prozeduraren ebazpena emateko eta jakinarazteko gehieneko epea sei hilabetekoa izango da gehienez. Gehienezko epe hori ebazpena jakinarazi gabe amaitzen bada, interesdunak legitimatu egiten dira eskaera administrazio-isiltasunez ezetsizat jotzeko.

Prozeduraren ebazpena interesdunei jakinaraziko zaie, urriaren 1eko 39/2015 Legearen 40. artikuluan eta hurrengoetan aurreikusitakoaren arabera.

Ematen den ebazpenak amaiera emango dio administrazio-bideari, eta aukerako berraztertze errekurtsoa aurkeztu ahal izango zaio ebazpena eman duen organoari berari, edo zuzenean aurkaratu ahal izango da txandaren arabera dagokion Bilboko Administrazioarekiko Auzien Epaitegian. Hori guztia urriaren 1eko 39/2015 Legearen 40. artikuluan eta hurrengoetan eta Administrazioarekiko Auzien Jurisdikzioaren 29/1998 Legean xedatutakoaren arabera.

7.- Dirulaguntzaren zenbatekoa eta ordainketa

Diruz lagungarri izan daitezkeen kontzeptuek, %70era arteko laguntza jaso ahalko dute (BEZa barne).

Helburu berak finantzatzeko, beste Administrazio Publiko edo, erakunde publiko nahiz pribaturen batengandik dirulaguntzarik jaso bada, gehituta, ezingo da (inola ere) lagundu den gastuaren zenbatekoa gainditu.

Aurkeztutako proiektu guztien artean diru-laguntza lerro honen aurrekontua gaindituz gero, aurreikusitako dirukopurua hainbanatu egingo da.

Erabakia hartzeko organo eskuduna Tokiko Gobernu Batzarra izango da, baina aurrez Hirigintza, Ingurumena eta Auzoak Batzorde Informatiboaren aldeko irizpena izango du.

Eskatzaileak ebazpenaren berri jasoko du idatziz eta arrazoitua betiere. Jasotzekoak diren kasuetan honakoak zehaztuko dira: diru-laguntzaren kopurua, ordainketa modua, zuritzeko modua eta oinarri hauetan zehazten diren beste hainbat baldintza eta betebeharrak.

Ordainketa:

Diru-laguntzaren %80a diru laguntza ematea onartzen denean ordainduko da. Gainontzeko %20a gastuen zuriaketa egin ondoren ordainduko da.

8.- Diru-laguntzaren zuriaketa

Modua

Administrazio Publikoen Administrazio Prozedura Erkidearen 39/2015 Legearen 14. artikuluan ezarritakoaren arabera, pertsona juridikoek Elorrioko Udalaren plataforma elektronikoaren bidez aurkeztu beharko dituzte eskabideak (www.elorrio.eus).

Pertsona fisikoek une oro aukeratu ahal izango dute eskabideak bitarteko elektronikoaren bidez aurkeztu dituzten ala ez. Dokumentazioa paper bidez aurkeztea aukeratzen badute, Elorrioko Udaleko Herriarrentzako Arreta Zerbitzuan (Elorrioko Erregistro Orokorra) aurkeztu ahal izango dute, Herriko Plazan, 08:00etatik 14:00etara, legeak aurreikusitako beste edozein modutan aurkez dezaketen arren.

Epea

Dirulaguntza justifikatzeko epea 2025eko urtarrilaren 30ean amaituko da.

Aurkeztu beharreko agiriak

Horretarako, agiri hauek aurkeztu beharko dira:



a. Justifikazio-eredua, behar bezala beteta (IV. eranskina). Gutxienez, honako hauek jasoko ditu:

- Dirulaguntzaren xede den programa edo jarduera gauzatzeari buruzko memoria zehatza.
- Egindako gastuen eta sarreraren zerrenda. Halaber, gastuen tikieta eta/edo fakturen jatorrizkoa edo kopia, bai eta ordainagiria ere. Horiek onuradunari zuzenduta egon beharko dute.

b. Hala badagokio, ordezkaritza egiaztatzea zuzenbidean baliozko den edozein bide erabiliz (notario-ahalorea, apud acta ordezkaritza...).

c. Zinpeko aitorpena, behar bezala beteta (II. eranskina).

% 5eko ez-betetze maila onartzen da. Maila horretatik gorako ez-betetzeak zigortu egingo dira ez-betetzearen eta emandako dirulaguntzaren arteko proportzionaltasun-irizpidea aplikatuta ateratzen den zenbatekoa itzulita.

9.- Publizitatea eta hizkuntzen trataera

Diruz lagundutako jardueren publizitatea egiten zaienean, jarduera bultzatzen duten auzo elkarteek Elorrioko Udaleko laguntza jaso dutela adierazi beharko du, irudi korporatiboaren arauen arabera, eta Elorrioko Udalak onartuta dituen hizkuntza irizpideak kontuan hartuta, honako hauek hain zuzen:

- Idatzizko komunikazioak: oro har herritarrei zuzendutako idatzizko komunikazioak, hau da, oharra, kartelak, iragarkiak eta beste edozein argitalpen, gutxienez euskaraz argitaratuko dira; euskaraz nahiz gaztelaniaz argitaratu behar izanez gero, euskarazko testua letraren tamainagatik eta erabilikako euskarriaren duen kokapenagatik nabarmendu egingo da.
- Ahozko komunikazioak: ahal den neurrian, euskara izango da administrazioarekin zein herritarrekin erabiliko den hizkuntza. Herritarrei zuzendutako ekitaldi publikoetan aurkezpenak euskaraz egingo dira eta, ele bitan egitekotan, lehenengo euskaraz egingo dira.
- Komunikabideak eta sare sozialak: Informazioa eta publizitatea euskaraz edo ele bitan emango da.

Horretaz gain, egitasmoarekin lotutako iragarkietan eta komunikazioetan ez da erabiliko ez hizkuntza ezta irudi sexistarik ere.

10.- Bateragarritasunak

Dirulaguntza hauek bateragarriak dira helburu bererako beste dirulaguntza, laguntza, diru-sarrera edo baliabide batzuekin, edozein administrazio edo erakunde publiko edo pribatutatik, nazionaletatik edo Europar Batasunetatik edo nazioarteko erakundeetatik datozenekin, salbu eta dirulaguntzaren ezaugarrietatik kontrako ondorioztatzen bada, eta betiere diruz lagundutako egitatearen kostuaren mugarekin.

11.- Onuradunen betebeharrak

- Helburua betetzea, proiektua gauzatzea, jarduera egitea edo dirulaguntzak emateko oinarri den jokabidea hartzea.

- Betekezunak eta baldintzak betetzen direla justifikatzea, bai eta jarduera egin dela eta dirulaguntzaren xedea bete dela ere.

- Kontrol-organo eskudunek egin ditzaketen finantza-egiaztapeneko eta -kontrolleko jarduketak onartzea, eta aurreko jarduketetan eskatzen zaion informazio guztia ematea.

- Diruz lagundutako jarduerak finantzatzeko bestelako dirulaguntzarik, diru-sarrerarik edo baliabiderik lortu bada, horren berri ematea. Jakinarazpena jakin bezain laster egin beharko da, eta, nolabehar ere, justifikatu aurretik.

jasotako funtsei emandako aplikazioa.

- Zerga-betebeharrak eta Gizarte Segurantzarekikoak egunean dituela egiaztatzea, dirulaguntza emateko ebazpen-proposamena eman aurretik.

- Kontabilitateko liburuak, izapidetutako erregistroak eta behar bezala ikuskatutako gainerako dokumentuak edukitzea, kasu bakoitzean onuradunari aplikagarri zaion merkataritzako eta



sektoreko legeriak eskatzen duen moduan, bai eta dirulaguntzen oinarri arautzaileek eskatzen dituzten kontabilitateko egoera-orri eta erregistro espezifiko guztiak ere, egiaztatze eta kontrolatzeko ahalmenak behar bezala erabiltzen direla bermatzeko.

- Jasotako funtsen aplikazioa justifikatzen duten dokumentuak gordetzea, dokumentu elektronikoak barne, egiaztapen- eta kontrol-jarduketan xede izan daitezkeenean.

- Dirulaguntzen deialdian ezartzen diren zabalkunde-neurriak hartzea, dirulaguntza emateko oinarri den proiektua, jarduera edo jokabidea Elorrioko Udalaren lankidetzarekin eta/edo finantzaketarekin gauzatzen dela jakinarazteko.

- Oinarri arautzaileen 42. artikuluan jasotako kasuetan jasotako funtsak itzultzea.

12.- Berdintasunaren arloko betebeharrak

Onuradunek betebeharrak hauek izango dituzte:

- Diruz lagundutako jarduera guztietan komunikazio inklusiboa erabiltzea, hau da, ez da erabiliko pertsonak sexuagatik, generoagatik, jatorriagatik edo bestelakoengatik umiliatzen, degradatzen edo estereotipatzen dituen irudirik edo idatzizko adierazpenik. Pertsonen berdintasuna eta aniztasuna irudikatuko duten irudiak eta hizkuntza sustatuko dira.

- Memorietan, hala badagokio, onuradunen gutxi gorabeherako kopurua generoaren arabera bereiztea, baita haien profila ere: gazteak, adinekoak, dibertsitate funtzionala duten pertsonak...

- Erabiliko diren material guztietan ez da estereotipo sexistarik edo emakumeak diskriminatzen dituen adierazpenik agertuko.

- Erakunde onuradunek neurriak izatea sexu-jazarpena, sexuan oinarritutako jazarpena eta jokabide transhomofobikoa prebenitzeko eta artatzeko.

- Hala badagokio, diruz lagundutako proiektu orok genero-ikuspegia txertatzea fase guztietan.

13.- Ebazpen-epea eta berri ematea

Ebazpena emateko eta jakinarazteko epea sei hilabetekoa izango da, eskabideak aurkezteko epea amaitu eta hurrengo egunetik aurrera zenbatzen hasita. Hartutako erabakia jakinaraziko da, baiezko zein ezezko kasuetan.

14.- Arau-hausteak, zehapenak eta itzulketak

Arau-hausteak egitea, zehapenak ezartzea eta dirua itzultzeko arrazoiak Dirulaguntzak arautzen dituen Ordenantzan, Dirulaguntzei buruzko azaroaren 17ko 38/2003 Lege Orokorrean eta Dirulaguntzei buruzko azaroaren 17ko 38/2003 Lege Orokorren Erregelamendua onartzen duen uztailaren 21eko 887/2006 Errege Dekretuan aurreikusitakoaren arabera arautuko dira. Prozedura izapidetzean, interesdunari entzuteko eskubidea bermatuko da.

15.-- Datuen babesa

Elorrioko Udalak (aurrerantzean, "Udala") (IFZ: P-4803900-B; helbidea: Gernikako Arbola plaza 1 (48230) Elorrio, Bizkaia), dirulaguntzen deialdi hau kudeatzeko helburuarekin, emandako datu pertsonalak tratatuko ditu. Dirulaguntzen azaroaren 17ko 38/2003 Lege Orokorretik eta Emakumeen eta Gizonen Berdintasunerako eta Emakumeen aurkako Indarkeria Matxistatik Gabeko Bizitzetarako Legearen testu bategina onartzen duen martxoaren 16ko 1/2023 Legegintzako Dekretutik eratorritako legezko betebeharrak bat betetzea da tratamendu horren oinarria.

Datu horiek behar-beharrezkoak diren zerbitzuak ematen dituzten hirugarrenei baino ez zaizkie jakinaraziko, eta ez zaizkie hirugarrenei lagako, legezko betebeharra edo interes publikoa izan ezik.

Elorrioko Udalak datu pertsonalak gordeko ditu erantzukizunen bat eska dakioken legezko epean.



Elorrioko udala

Dirulaguntzen deialdi honetan eskatutako datuak aurrez jakinarazitako helburua behar bezala lortzeko behar-beharrezkoak direnak dira; beraz, datu horiek eman ezean, Udalak ezin izango du bermatu prozeduran behar bezala parte hartuko duenik.

Nolanahi ere, interesdunak datuak eskuratzeko, zuzentzeko, ezabatzeko, aurka egiteko eta mugatzeko eskubideak baliatu ahal izango ditu, alkatea@elorrio.eus helbidera idatziz bidalitako eskaeraren bidez. Interesduna Udaleko Datuak Babesteko Ordezkariekin (DPO) harremanetan jarri ahal izango da dpo@elorrio.eus helbide elektronikoan.

Era berean, jakinarazten dizugu Datuak Babesteko Euskal Bulegoan erreklamazio bat aurkezteko eskubidea duzula.

16. Klausula gehigarria

Oinarri espezifiko hauetan berariaz jasotzen ez den guztirako, Elorrioko Udalaren Dirulaguntzen Oinarri Arautzaileetan xedatuta egongo da.

Era berean, Dirulaguntzei buruzko 38/2003 Legeak eta horrekin bat datozen gainerako lege-xedapenek arautuko dute.

17. Araubide juridikoa

Oinarri hauetan aurreikusten ez denerako, Dirulaguntzei buruzko Udal Ordenantza Orokorrean (2010eko maiatzaren 10eko BAO, 86 zk.), Dirulaguntzei buruzko azaroaren 17ko 38/2003 Lege Orokorrean eta Dirulaguntzei buruzko azaroaren 17ko 38/2003 Lege Orokorren Erregelamendua onartzen duen uztailaren 21eko 887/2006 Errege Dekretuan jasotakoa aplikatuko da.

Elorri, 2024ko uztailaren 26an

Alkatea

Julene Lazkano Zenitagoia